

O Glorious Ihesu. O mekest Ihesu. O mooste
 swetest Ihesu / I praye the / that I may haue trewe con-
 fession / contencion / and satisfaction of I dye / And that I
 maye see and receyue thy holy bodye godys maye saupour of alle
 mankynde Cryste Ihesu Without synne / And that thou wylt my
 lord god forgyue me alle my synnes for thy ghorous woundes &
 passion / And that I maye ende my lyf in the trewe feythe of alle
 holy church / And in partyght loue and charyte with my euen cry-
 st as thy creature / And I commende my soule in to thy holy han-
 des thurgh the ghorous helpe of thy blessed moder of mercy oure
 ladye saint Mary / and alle the holy compaigne of heuen Amen
 ¶ The holy bodye of Cryste Ihesu be my saluacion of bodye and soule
 Amen / The ghorous blood of Cryste Ihesu brynge my soule and
 bodye in to the euerlastyng blysse Amen / I crye godd mercy / I
 crye godd mercy / I crye godd mercy / Welcome my maker / Welcome
 my redeemer / Welcome my saupour / I crye the mercy with herte con-
 tryte of my grete vnkynednesse that I haue had vnto the /

O The mooste swetest spouse of my soule Cryste
 Ihesu despyng hertely euermore for to be with the in myn-
 de and wylt / And to lete none otherly thyng be soo nygh
 myn herte as thou Cryste Ihesu / And that I deede not for to dye
 for to goo to the Cryste Ihesu / And that I maye euermore saye vn-
 to the with a gladd chere / My lord / My god / my souerayne saup-
 our Cryste Ihesu / I beseeche the hertely / take me synner vnto thy
 grete mercy and grace / For I loue the with al my herte / with al
 my mynde / with alle my myght / And no thyng soo moche in erth
 nor aboue erthe / as I doo the my swete lord Cryste Ihesu / And
 for that I haue not loued the / and worshipped the / aboue al thyng
 as my lord / My god / and my saueour / Cryste Ihesu / I beseeche the
 with mekenesse and herte contryte / of mercy and of forgyuenesse
 of my grete vnkynednesse / for the grete loue that thou shaldest for
 me and al mankynde / what tyme thou offrest thy ghorous bodye
 godd and may vnto the Crosse / ther to be crucyfyed and wounded
 And vnto thy ghorous herte a sharpe spere / ther rennyng out plen-
 tyuously blood and water for the redemption and saluacion of me
 and al mankynde / And thus haung remembraunce stedfastly
 in my herte of the my saupour Cryste Ihesu / I doubt not / but
 thou wylt be ful nygh me / and comforte me bothe bodyly and go-
 osly with thy ghorous presence / And at the last brynge me vnto
 thy euerlastyng blysse / the which shalle neuer haue ende / Amen /